

第三名

雷翔茲

滇流

得獎感言

感恩評審青睞讓我二度獲獎，心中充滿感謝。

截稿前的夜晚，正為了碩士甄試資料而焦頭爛額，仍熬夜挑燈反覆修改文字，也懷疑自己是否還能躋身文學獎，而今日的獲獎讓我更肯定未來繼續創作的動力。西濱漁家是我從小生長的地方，透過文字讓這些微小而真實的情感被看見，是創作中最大的成就。感謝家人一路支持與陪伴，未來我仍以最謙卑的心去傾聽生活每一種聲音，以文字去書寫這世間最美的情感，定不負這份榮耀。



風吹來勻勻仔落軟，有一點仔春天的氣味，中晝了後落一陣毛毛仔雨，東片山佻山之間愈來愈霧，氣溫雄雄降落來，剛來的風微微仔涼，有一款生菇的氣味，我插著外媽沓沓仔行向山頂，頭頂懸是一片染歹去的紺仔色，猶有幾蕊落陣的散雲，看起來足鬱卒--ê。

阿舅、阿姪透早已經行上山攢好拜拜的果子牲禮，山頂的小路車歹行，眾人就選佇中晝了後分批行路去山頂會合，這擺的入塔雖然是交予專業辦理，家屬嘛開袂少時間。

外公十幾冬前雄雄煞過身，逐家攏煩惱外媽無法度家己一个躡佇厝內生活，你一句我一句意見足濟--ê，攏苦勸外媽搬離開祖厝予兩個後生輪流「食伙頭」，誰知外媽個性鐵齒，姨婆來勸嘛無路用，伊堅持欲家己一个人躡。袂曉騎跤踏車，伊就逐日一直練習毋驚跋倒，會曉騎跤踏車了後就買一台電動跤踏車騎咧四界走。

毋但按呢，伊恰意讀冊，翻過年就開始家己騎車去讀暗學仔，風吹大雨攏毋驚，三年後總算佇夜補完成學業。庄仔內廟的活動定定攏看著伊，伊報名舞蹈班逐日練習，學校運動會就去表演，生活足精彩--ê。

伊對衫仔櫥內面揣出查某囡仔時陣穿的粉紅色洋裝，遮爾濟年來伊的身材維持真好，跳舞轉萐的時陣，裙尾散做一蕊嬌滴滴的釘仔花，跛步徙位一下就花開一擺。

十五冬就按呢過去，墓仔埔的合約就欲滿--ah，外媽吩咐阿舅佇今年一定愛選一个好日仔祛骨入塔，圓滿外公佇人世間的最後一段路。稅塔位的時

陣我佢阿母來過一擺，遵照外媽的交代選一個樓懸的塔位，環境清幽恬恬，黃昏時向西會當看著西濱外海一片紺仔色的天頂，好天的時陣閣會當看見東片大肚山的高山。透早阿母佢阿姪仔灶跤內攢燒金的牲醴，入塔的過程足複雜，逐家撫真久的時間才選好今仔日。

阮媽孫兩個人路程有較慢，倚佇墓園後片的風景杳杳仔清楚，靈骨塔前兩片的石雕予紅色黃色的花箍起來，雨才拄仔停爾爾，風就吹起來，花芳一陣一陣，猶有幾隻落陣的蛞蝓，對頭拄仔經過的小樹林仔內一直叫，倒片金爐後壁的松柏樹整齊排列，做伙對空中伸出去，親像是一幅恬寂寂的山水潑烏墨圖。

細漢的時陣對外公的印象無濟，上深的印象是有一年八月風颶來閣拄著滇流，海邊仔淹大水，外公慌慌張張穿草笠仔棕蓑欲去海邊看魚塭仔，外媽想欲阻擋嘛擋袂牢，外公喙內齏齏唸：

「落遐大的雨閣拄著滇流，魚塭仔會做大水害虱目魚反肚死了了。」

彼日暗頭仔剛大風、落大雨，風颶直直向西濱海岸剛過來，外公親像熱鼎仔頂的狗蟻，佇客廳行來走去無一時間，三不五時就看氣象報導，愈暗窗仔外的風雨落愈大，最後伊堅持欲透風雨去海邊巡魚塭仔，外媽恬恬行去灶跤包一粒飯丸予伊紮著路仔食，這款大雨一定會落到半暝，倚海食飯的人，一世人攏為著風雨袂當食袂當睏。

彼擺風颶閣拄著滇流，海水雄雄煞漲懸起來，鹹水順漁港小路灌入魚塭仔內、排水溝仔、衝破魚塭仔岸邊，準備欲佇中秋收成的蚶仔佢虱目魚煞變做海魚仔的食食，洩流了後好運活落來的魚仔，予後面落的大雨水沖洪魚塭仔的鹹度，鹹水變洪水，魚仔全部死了了，本錢嘛攏賠了了，就按呢外公對

大雨拄著滇流總是心驚驚，逐年中秋收成時陣攏愛小心對付滇流恰大雨的威脅。

佳哉外公是真樂觀的海口人，金錢損失的打擊無予伊失落傷久，翻轉年請兩台怪手共魚塭仔óo-óo--leh，春天了後趁天氣燒熱進前園蚶仔苗，魚塭仔內除了放虱目魚之外，閣園一寡金鯧仔苗、蝦仔苗，中秋通做伙豐收，補塌舊年損失。

外公佇魚塭仔岸頂種木瓜恰西瓜，彼年熱天熱到擋袂牢，我恰外公去海邊仔巡魚塭仔四箍輪轉，行忝就坐佇木瓜樹下歇睏，正面颳來的海風燒燒鹹鹹，甲馬鞍藤青葉紫花芳炊熟，是海邊仔才有的特殊氣味。

中晝了後拄著滇流，紺仔色的海水對岸墘遮一直向外海伸到看無盡磅的所在，恰天頂的tshián紺色連做伙，海天相連的所在有幾隻漁船仔因為海水漲懸起來，浮起來搖來搖去，湧來的時陣，一排一排紺仔色的海浪頂懸有白色的花環仔，綴風吹大力咧拍岸墘，日頭當咧燒熱，光線照佇海面頂懸金光閃閃，親像是糝碎金仔，變成一幅美麗的海港風情圖。

外公伸手挽樹仔頂在欖紅的木瓜當做下晡點心，切開了後柑仔色果子肉甘甜焮汁，泔泔的鹹味piàng出來，我擋袂牢啖一喙，彼款滋味食過一擺就無法度放袂記，外公講木瓜生佇鹹塗頂，自然會透出泔芳的鹹味。

西濱漁民會利用海水滇流、洶流變化共海水引入魚塭仔內，有蝦苗、蚶仔苗生長需要的營養恰浮游生物，魚塭仔是外公一世人拍拚的事業，一直到過身進前彼一時猶閣咧吩咐阿舅、阿姪愛好好保護這一片鹹水，尤其愛細膩對付中秋滇流恰落大雨，阿舅接手魚塭仔了後就買幾若台協水mòo-tà，只要滇流拄著大雨引入海水，就liâm-mi共海水消出去。知影外公生前心內有罣

礙，外媽吩咐一定愛選一个懸樓層的塔位予外公會當看西濱外海，逐日觀賞
滇流、洿流，予伊佇另外一个世界嘛會穩心仔過日子。

阿舅雙手捧著外公的金斗甕仔，眾人綴法師搖鈴誦經引炁祭祀儀式，行
往靈骨塔內，逐家雙手合掌綴法師做伙念：

入金安座、傳下裔孫，芳花果饌、敬奉安座、虔誠恭誦、祈求安祥、代
代好吉兆、全證菩提……

儀式完成，逐家款好牲醴行到金爐前，共金銀紙排頭來整齊送入金銀爐
內燒化，規過程保持恬恬肅穆。我恰外媽戴著喙罨荷佇外口看，這擺欲以歡
喜代替悲傷，外媽堅持親身來送。

懸樓層塔的後壁是一片比塔懸較低的樹林仔，所以塔內面光線足夠額，
法師直直誦經默讀、引炁完成進塔最後儀式，外媽紮幾穰泔茄仔色的小花，
行向前園佇金斗甕仔邊，外公的名就刻佇金斗甕仔面頂，伊伸手掌誠久，目
睷沓沓仔閣濕閣紅。彼幾蕊泔茄仔色的細蕊花，是海墘仔邊佔領魚塭仔四箍
輪轉的馬鞍藤，滋種力足強--ê，毋免沃水照顧，熱天一到就變做規片花海，
一片茄仔色的花恰青葉仔鬥鬧熱、嬾甲毋知影按怎講。

外公捌講馬鞍藤恰伊全款，有海口囡仔的身軀，毋驚風吹曝日，種佇魚
塭仔的岸頂會使定砂，親像是保護魚塭仔，日頭若跔起來就會開花規大片，
過晝後就會老去，花蕊歲壽真短，外媽知影外公愛這款花，專工透早騎電動
絞踏車去海邊仔挽這幾蕊。

終於圓滿，眾人款好牲醴一个煞一个行落山，天暗進前閣落一場毛毛仔
雨，共路面頂的塗沙浸甲澹漉漉，天色寬寬仔暗落來，日頭光掠著上尾的時

間共逐片雲捋上泚柑仔色胭脂，東月落雨了後浮出來的大肚山敲臥，看起來煞親像是咧睏，一个予雨水洗過的暗暝變做一片恬恬àm-sô-sô的烏幕，閣過一睏仔，kan-na賭柑仔色的大粒火球佇西月掠著天際線佇咧hia浮浮沉沉，樹林仔內幾隻烏鴉趁亂跳舞、搶樹尾，規片樹林仔鬧熱滾滾。

落山的跂程有較緊，我對倒手月看外媽的喙顫紅紅，閉思歹勢的面容，親像熱天才會開的蓮花，十五冬以來伊拚命予家己的生活過了愈來愈好，予另外一个世界的外公無罣礙，這時陣我知影伊心內是歡喜的，百年了後袂佇世間園一筆猶未完成的心願。

路邊予芳蕉仔樹箍起來的低厝仔內有煮暗頓的白煙透出來，落雨了後塗跤閣濕閣歹行，我插著外媽一路行落山，親像是行過半世紀的流沙，路長情愈長。

轎車順著暗路向前駛，面前規排的路燈一粒綴一粒光起來，親像是珠寶盒仔糝落來規塗跤的珍珠等阮拏，原本àm-sô-sô的景色煞杳杳仔清光起來，耳空邊聽著外媽歡喜、細聲講：

「今仔日下晡是滇流，海墘仔風景真嬌，你看著無？」